



DEPUTACIÓN PROVINCIAL
A CORUÑA

Servizo de Acción Social, Cultural e Deportes

Expediente: 2025000033952

Convocatoria: 2026 PREM-RL

RESOLUCIÓN POLA QUE SE APROBAN AS BASES E A CONVOCATORIA DA 20ª EDICIÓN DO PREMIO “RAÍÑA LUPA” DE LITERATURA INFANTIL E XUVENIL DO ANO 2026

Despois de ver os informes do servizo de Acción Social, Cultural e Deportes, da Secretaria Xeral e do servizo de Fiscalización

Don **VALENTÍN GONZÁLEZ FORMOSO**, Presidente da Deputación Provincial da Coruña,

RESOLVO:

Primeiro.- Aprobar as Bases reguladoras da 20ª Edición do Premio "Raíña Lupa" de literatura infantil e xuvenil, cuxo texto se transcribe no anexo.

Segundo.- Publicar as presentes bases reguladoras no Boletín Oficial da Provincia.

Terceiro- Aprobar a convocatoria da 20ª Edición do Premio "Raíña Lupa" de literatura infantil e xuvenil, de conformidade coas bases reguladoras que figuran no Anexo – Bases Reguladoras.

O prazo de solicitude iniciarase o día 10 de febreiro de 2026, e finalizará o día 10 de abril de 2026.

Cuarto.- Remitir esta resolución, así como o extracto da convocatoria conforme ao Anexo - Extracto da convocatoria, á Base de Datos Nacional de Subvencións (BDNS), para a súa publicación a través do Sistema Nacional de Publicidad de Subvenciones y Ayudas Públicas, de conformidade co previsto nos artigos 17.3.b e 20.8.a da Lei 38/2003, de 17 de novembro, xeral de subvencións.

Quinto.- Aprobar o orzamento dos gastos derivados da convocatoria, que ascenden a un total de 21.000 €, de acordo co seguinte detalle:

| Concepto | Aplicación orzamentaria | Documento contable RCP | Importe |
|---|-------------------------|------------------------|----------------------|
| Premio | 0612/3341/481 | 220259000811 | 13.000€ (6.500€ x 2) |
| Honorarios do xurado, fixados de acordo co establecido na Base 30ª.4 das Bases de Execución do Orzamento para o ano 2025. | 0612/3341/22609 | 220259000812 | 4.000€ (800€ x 5) |
| Honorarios das persoas que integran a Comisión de preselección | 0612/3341/22609 | | 4.000€ (1.000€ x 4) |
| | | TOTAL | 21.000,00 € |



DEPUTACIÓN PROVINCIAL
A CORUÑA

Servizo de Acción Social, Cultural e Deportes

Expediente: 2025000033952

Convocatoria: 2026 PREM-RL

De acordo con o establecido no art. 174.1 do Real Decreto Lexislativo 2/2004, do 5 de marzo, polo que se aproba o Texto Refundido da Lei Reguladora das Facendas Locais, *“A autorización ou realización dos gastos de carácter plurianual subordinarase ao crédito que para cada exercicio autoricen os respectivos orzamentos.”*

O financiamento quedará supeditado á existencia de crédito adecuado e suficiente no exercicio 2026. Noutro caso sería de aplicación o establecido no 173.5 do TRLRHL, *“non poderán adquirirse compromisos de gastos por contía superior ao importe dos créditos autorizados nos estados de gastos, sendo nulos de pleno dereito os acordos, resolucións e actos administrativos que infrinxan a expresada norma, sen prexuízo das responsabilidades a que haxa lugar”*.

Así mesmo, queda condicionada ao cumprimento dos obxectivos de estabilidade orzamentaria para o próximo exercicio, de acordo coa normativa vixente no momento.

Contra a presente resolución, que pon fin á vía administrativa, pódese interpor, alternativamente, recurso de reposición potestativo, no prazo dun mes perante o mesmo órgano que ditou o acto, ou recurso contencioso-administrativo, perante o Xulgado do Contencioso Administrativo da Coruña no prazo de dous meses, a partir do día seguinte a aquel no que teña lugar a notificación. Se se optara por interpor o recurso de reposición potestativo non se poderá interpor recurso contencioso administrativo ata que aquel sexa resolto expresamente ou se produza a súa desestimación por silencio.

Todo isto, sen prexuízo de que se poida exercitar calquera outro recurso que se estime pertinente.



DEPUTACIÓN PROVINCIAL
A CORUÑA

Servizo de Acción Social, Cultural e Deportes

Expediente: 2025000033952

Convocatoria: 2026 PREM-RL

20ª Edición do Premio "Raíña Lupa" de literatura infantil e xuvenil do ano 2026

BASES

Primeira.- Obxecto

Coa vontade de fomentar a creatividade literaria dirixida ao mundo dos máis pequenos e de facer memoria desta personaxe de lenda vinculada ás terras de Compostela, convócase o Premio "Raíña Lupa" de literatura infantil e xuvenil do ano 2026.

Consta de dúas modalidades diferenciadas:

- INFANTIL: obras dirixidas especificamente ao público lector infantil.
- XUVENIL: obras dirixidas especificamente ao público lector xuvenil.

Cada obra unicamente poderá presentarse a unha das dúas modalidades

O xurado poderá modificar a adscrición das obras presentadas a cada unha das modalidades.

Segunda.- Persoas destinatarias

Poderán participar todas aquelas persoas maiores de idade, que non obtivesen o premio nos cinco anos anteriores a este, e que presenten obras inéditas e non premiadas con anterioridade en ningún outro premio ou certame.

A orixinalidade da obra e a súa autoría xustificárase mediante unha declaración responsable na que se manifeste ser a persoa autora e titular de todos os dereitos.

En consecuencia, a Deputación Provincial da Coruña non se fará responsable das posibles denuncias por plaxio ou eventualidade similar que poidan xurdir, polo que recaerá na persoa participante afectada as accións legais que procedan e asumirá, se é o caso, as indemnizacións que poidan corresponder polos prexuízos ocasionados a particulares ou á organización.

As persoas participantes terán a obriga de comunicar á Deputación a concesión de calquera premio que obteña a obra presentada, no momento en que esta situación se produza, o que dará lugar á súa exclusión do premio.

Terceira.- Dotación

O importe da consignación ascende a un total de 13.000,00 €, con cargo á partida 0612/3341/481 do Orzamento ordinario para 2026.



DEPUTACIÓN PROVINCIAL
A CORUÑA

Servizo de Acción Social, Cultural e Deportes

Expediente: 2025000033952

Convocatoria: 2026 PREM-RL

Establécense dous premios, dotados con 6.500€ cada un deles, para cada unha das modalidades. Esta cantidade está suxeita ás retencións legais que lle sexan aplicables.

Os premios poderán quedar desertos ou ser concedidos con carácter ex aequo; neste caso, os seus importes repartiranse proporcionalmente entre as persoas que resulten premiadas.

O pago dos premios realizarase previa retención do 15%, do imposto sobre a renda das persoas físicas (IRPF)

O premio non poderá concederse a título póstumo, sen prexuízo dos dereitos de sucesión que poidan exercerse se a persoa premiada falecese despois da decisión do xurado.

Cuarta.- Prazo

O prazo de presentación de solicitudes iniciárase o día 10 de febreiro de 2026 e rematará o día 10 de abril de 2026, logo da publicación do extracto da convocatoria deste premio no BOP da Coruña, a través da Base de Datos Nacional de Subvencións.

Quinta.- Envío da obra e documentación

Para garantir o anonimato das solicitudes, a presentación realizarase baixo o sistema de PLICA coa presentación dun sobre pechado, a portes pagados, que indique no exterior o título do Premio "Raíña Lupa" de literatura infantil e xuvenil, ao seguinte enderezo:

Deputación provincial da Coruña
Avenida Porto da Coruña 2
15003 A Coruña

Dentro deste sobre principal incluíranse dous sobres (sobre A para a obra e sobre B para a documentación). Ambos sobres indicarán o seguinte no exterior:

- Premio "Raíña Lupa" de literatura infantil e xuvenil.
- Modalidade á que se presenta
- Título da obra
- Un lema ou pseudónimo

Sobre A – Obra

- Incorporará a obra proposta, preferentemente en formato dixital: USB/CD
- O tratamento de texto será Word, LibreOffice ou PDF, en formato DIN A4, texto a dobre espazo, letra Times New Roman corpo 12 e deberá estar paxinado.
- As obras estarán escritas en lingua galega e serán de tema e extensión libres, observando as características propias da narrativa dirixida ao público infantil ou xuvenil



DEPUTACIÓN PROVINCIAL
A CORUÑA

Servizo de Acción Social, Cultural e Deportes

Expediente: 2025000033952

Convocatoria: 2026 PREM-RL

- En ningún caso o nome da persoa autora poderá aparecer no texto da obra.
- No caso de optar pola presentación en papel, os orixinais serán enviados por duplicado, en exemplares separados, grampados ou encadernados.

Sobre B - Documentación

Incorporará os seguintes documentos:

- Copia do documento de identidade
- Datos de contacto: enderezo, teléfono de contacto, correo electrónico
- Breve currículo
- Declaración responsable de que a persoa autora é titular de todos os dereitos e que a obra é inédita e que non foi premiada, até a data de presentación, en ningún outro certame ou premio.

Sexta.- Xurado

O xurado estará presidido pola Deputada de Cultura, quen actuará con voz e sen voto, e formarán parte del cinco persoas de recoñecido prestixio no ámbito da literatura infantil e xuvenil en lingua galega nomeadas por ela.

As funcións de secretaría exerceraas a Secretaría da Corporación ou a persoa funcionaria en quen delegue.

Para o nomeamento do xurado respectarase a presenza equilibrada de mulleres e homes, en cumprimento do disposto no artigo 70 da Lei 7/2023, do 30 de novembro, para a igualdade efectiva de mulleres e homes de Galicia.

As persoas que integren o xurado estarán sometidas ao deber de abstención nos casos sinalados no artigo 23 da Lei 40/2015, de 1 de outubro, de réxime xurídico do sector público.

A composición dos xurados daranse a coñecer, con anterioridade á súa reunión, no taboleiro de anuncios da sede electrónica co fin de que se poidan interpor, se é o caso, os recursos legais pertinentes.

Aplicarase o disposto na Lei 40/2015, do 1 de outubro, de réxime xurídico do sector público (LRXSP), Título preliminar, Capítulo II, Sección 3ª: Órganos colexiados das distintas administracións públicas”, artigos 15 a 18, no que se refire tanto á validez da súa constitución, como á actuación do xurado.

As deliberacións serán secretas e delas serán estendidas as actas correspondentes.



DEPUTACIÓN PROVINCIAL
A CORUÑA

Servizo de Acción Social, Cultural e Deportes

Expediente: 2025000033952

Convocatoria: 2026 PREM-RL

Sétima.- Preselección, concesión e pago

Fase de preselección

Pasarán á consideración do xurado un máximo de 10 obras tras o seguinte proceso de selección:

- para a lectura da totalidade das obras presentadas, será nomeada unha comisión de preselección, que estará composta por persoas expertas no campo da literatura infantil e xuvenil en lingua galega
- cada obra presentada será lida e valoradas de 0 a 10 puntos, acompañadas dun informe xustificativo da súa valoración
- farase unha selección inicial coa obra máis valorada por cada unha das persoas da comisión, sempre que a puntuación sexa superior a 7 puntos, conformando un primeiro grupo de obras que pasa directamente ao xurado final
- a ese primeiro grupo coas obras máis valoradas, sumarase un segundo grupo coas que obteñan 7 puntos ou máis nos informes de valoración de cada unha das persoas da comisión
- se o número de obras resultantes no segundo grupo fai que o total sexa superior a 10, escolleranse de entre ese segundo grupo as obras coa puntuación media máis alta para completar a selección final cun máximo de 10 obras
- se, pola contra, o número de obras resultantes no segundo grupo fai que o total sexa inferior a 10, completárase a selección final ata un máximo de 10 coas obras que teñan a puntuación media máis alta, sempre que superen o 5 nesa puntuación media

A relación das obras seleccionadas será dada a coñecer a través do taboleiro de anuncios da sede electrónica da Deputación.

Concesión e pago

Se hai finalista, a plica correspondente á obra poderá ser aberta pola persoa que exerza a secretaría do xurado co fin de que, se a persoa autora o permite, poida darse a coñecer o seu nome.

A proposta de concesión que formule o xurado será obxecto da resolución da Presidencia, que resolverá a súa aprobación, previo informe do Servizo de Acción Social, Cultural e Deportes e do Servizo de Fiscalización.

Non poderán obter a condición de persoa beneficiaria aquelas persoas que teñan a residencia fiscal nun país ou territorio cualificado regulamentariamente como paraíso fiscal, de conformidade co disposto no artigo 13.f) da Lei 38/2003, de 17 de novembro, Xeral de Subvencións.

Para a concesión e o cobro do premio deberán presentar a seguinte documentación:



DEPUTACIÓN PROVINCIAL
A CORUÑA

Servizo de Acción Social, Cultural e Deportes

Expediente: 2025000033952

Convocatoria: 2026 PREM-RL

Residencia española:

- Certificacións das administracións tributarias correspondentes e da Tesourería da Seguridade Social nas que se acredite que a persoa está ao corrente nas súas obrigas tributarias e coa Seguridade Social
Poderá omitirse a presentación desta documentación sempre que envíe un documento autorizando expresamente á Deputación provincial da Coruña ás consultas tributarias e non se opoña á consulta de datos da Seguridade Social
- Comunicación de alta de datos bancarios para o rexistro de terceiros, que figura no apartado de impresos oficiais da páxina web da Deputación provincial da Coruña
- Certificación da titularidade de conta, expedida pola entidade bancaria

Outra residencia:

- Copia do pasaporte
- Certificado de residencia fiscal emitido polo organismo oficial do seu país
- Declaración de non ter establecemento permanente en España, no seu caso
- Certificación de titularidade de conta bancaria, na que figure o código SWIFT/BIC

A presentación desta documentación farase preferentemente por medios electrónicos a través do modelo "solicitud xeral" dispoñible na sede electrónica da Deputación da Coruña. Tamén poderá presentala en calquera dos lugares e rexistros establecidos na normativa reguladora do procedemento administrativo común.

A resolución de concesión será dada a coñecer a través do Boletín Oficial da Provincia. A concesión e pago do premio será publicado na Base de Datos Nacional de Subvencións (BDNS).

Non se devolverán as obras presentadas non premiadas e a partir do día seguinte ao da decisión do xurado serán destruídas.

Oitava.- Obrigas

A persoa premiada poderá acordar coa editora que considere a publicación da obra, proceso para o que contará co apoio da persoa comisaria dos premios literarios da Deputación da Coruña.

A persoa premiada comprométese a nomear á Área de Cultura da Deputación da Coruña en todas as comunicacións que realice en relación co premio, co proceso creativo ou coa obra resultante, tanto en redes sociais como en notas de prensa.

Nas publicacións, edicións ou en calquera outro soporte de difusión da obra premiada deberá figurar, de forma expresa, a seguinte frase: Esta obra foi galardoada na 20ª Edición do Premio



DEPUTACIÓN PROVINCIAL
A CORUÑA

Servizo de Acción Social, Cultural e Deportes

Expediente: 2025000033952

Convocatoria: 2026 PREM-RL

"Raíña Lupa" de literatura infantil e xuvenil da Deputación da Coruña. Así mesmo, deberán incorporarse os logotipos da Deputación da Coruña e de "A cultura é un dereito".

Novena.- Protección de datos

Os datos facilitados serán tratados pola Deputación da Coruña coa finalidade de tramitar esta convocatoria.

A participación nesta convocatoria implica aceptar a realización de fotografías e/ou vídeos pola Deputación da Coruña no certame de entrega dos premios ou no desenvolvemento das actividades complementarias.

As ditas imaxes poderán ser publicadas en:

- A páxina web e perfís en redes sociais da Deputación.
- Filmacións destinadas á promoción da actividade.
- Publicacións para dar a coñecer a actividade.

A lexitimación para o tratamento dos datos persoais baséase no cumprimento dunha misión de interese público.

Os datos poderán ser comunicados ás Administracións públicas para o exercicio das súas competencias e serán conservados de acordo co establecido na normativa de arquivo.

As persoas interesadas poden exercer os dereitos de acceso, rectificación, supresión, oposición, limitación ao tratamento e portabilidade dos datos a través da sede electrónica da Deputación da Coruña ou presencialmente nos lugares e rexistros establecidos na normativa reguladora do procedemento administrativo común. Así mesmo se considera que o tratamento incumpre co establecido no RXPD pode reclamar perante a AEPD.

Poden consultar máis información relacionada coa protección de datos na nosa Política de Privacidade ou dirixindo un correo a delegadodeprotecciondedatos@dacoruna.gal.

Décima.- Aceptación das bases

A participación nesta convocatoria supón a total aceptación destas bases.



DEPUTACIÓN PROVINCIAL
A CORUÑA

Servizo de Acción Social, Cultural e Deportes

Expediente: 2025000033952

Convocatoria: 2026 PREM-RL

ANEXO - EXTRACTO DA CONVOCATORIA

GALEGO

De conformidade co previsto nos artigos 17.3.b) e 20.8.a) da Lei 38/2003, de 17 de novembro, xeral de subvencións, publícase o extracto da convocatoria da 20ª Edición do Premio "Raíña Lupa" de literatura infantil e xuvenil 2026. O texto completo do certame pode consultarse na Base de Datos Nacional de Subvencións.

Primeiro. Beneficiarios

Poderán participar todas aquelas persoas maiores de idade, que non obtivesen o premio nos cinco anos anteriores a este, e que presenten obras inéditas e non premiadas con anterioridade en ningún outro premio ou certame.

Segundo. Obxecto

Coa vontade de fomentar a creatividade literaria dirixida ao mundo dos máis pequenos e de facer memoria desta personaxe de lenda vinculada ás terras de Compostela, convócase o Premio "Raíña Lupa" de literatura infantil e xuvenil do ano 2026.

Terceiro. Bases reguladoras

A presente convocatoria rexerese polas Bases reguladoras publicadas no BOP.

Cuarto. Contía

O importe da consignación ascende a un total de 13.000,00 €, con cargo á partida 0612/3341/481 do Orzamento ordinario para 2026.

Establécense dous premios, dotados con 6.500 € cada un deles, para cada unha das seguintes modalidades:

- INFANTIL: obras dirixidas especificamente ao público lector infantil.
- XUVENIL: obras dirixidas especificamente ao público lector xuvenil.

Os premios poderán quedar desertos e ser concedidos con carácter ex aequo; neste caso, o seu importe repartirase proporcionalmente entre as persoas que resulten premiadas.

Quinto. Prazo de presentación de solicitudes

O prazo de solicitude iniciarase o día 10 de febreiro de 2026, e finalizará o día 10 de abril de 2026.



DEPUTACIÓN PROVINCIAL
A CORUÑA

Servizo de Acción Social, Cultural e Deportes

Expediente: 2025000033952

Convocatoria: 2026 PREM-RL

Sexto. Outros datos

As obras presentaranse, preferentemente, en soporte dixital USB/CD, e xunto coa plica serán enviados, a portes pagados, á Deputación da Coruña, Avda. Porto da Coruña 2, 15003 A Coruña, indicando no sobre Premio "Raíña Lupa" de literatura infantil e xuvenil.

CASTELLANO

De conformidad con lo previsto en los artículos 17.3.b) y 20.8.la) de la Ley 38/2003, de 17 de noviembre, General de Subvenciones, se publica el extracto de la convocatoria de la 20ª Edición del Premio "Raíña Lupa" de literatura infantil y juvenil 2026. El texto completo de las Bases del premio puede consultarse en la Base de datos Nacional de Subvenciones

Primero. Beneficiarios

Podrán participar todas aquellas personas mayores de edad, que no obtuvieran el premio en los cinco años anteriores a este, y que presenten obras inéditas y no premiadas con anterioridad en ningún otro premio o certamen.

Segundo. Objeto

Con la voluntad de fomentar la creatividad literaria dirigida al mundo de los más pequeños y de hacer memoria de este personaje de leyenda vinculada a las tierras de Compostela, se convoca el Premio "Raíña Lupa" de literatura infantil y juvenil del año 2026.

Tercero. Bases reguladoras

A presente convocatoria rexirase polas Bases reguladoras publicadas no BOP.

Cuarto. Cuantía

El importe de la consignación asciende a un total de 13.000,00 €, con cargo a la partida 0612/3341/481 del Presupuesto ordinario para 2026.

Se establecen dos premios, dotados con 6.500 € cada uno de ellos, para cada una de las siguientes modalidades:

- INFANTIL: obras dirigidas específicamente al público lector infantil.
- JUVENIL: obras dirigidas específicamente al público lector juvenil.



DEPUTACIÓN PROVINCIAL
A CORUÑA

Servizo de Acción Social, Cultural e Deportes

Expediente: 2025000033952

Convocatoria: 2026 PREM-RL

Los premios podrán quedar desiertos y ser concedidos con carácter ex aequo; en este caso, su importe se repartirá proporcionalmente entre las personas que resulten premiadas.

Quinto. Plazo de presentación de solicitudes

El plazo de solicitud se iniciará el día 10 de febrero de 2026, y finalizará el 10 de abril de 2026.

Sexto. Otros datos

Las obras se presentarán, preferentemente, en soporte digital USB/CD, y junto con la plica serán enviados, a portes pagados, a la Diputación de A Coruña, Avda. Porto da Coruña 2, 15003 A Coruña, indicando en el sobre Premio "Raíña Lupa" de literatura infantil y juvenil.